

SCRIPTA

Numéro Scripta : 3405

Auteur(s) : Louis VIII, France (roi)

Bénéficiaire(s) : Brémontier-Merval, Notre-Dame de Bellozanne (abbaye, abbé)

Genre d'acte : charte

Authenticité : non suspect

Datation : 1225

Lieu d'émission : Anet

Action juridique : confirmation

Langue du texte : latin

Analyse

Louis [VIII], roi de France, concède à l'église et aux chanoines de Bellozanne une parcelle de bois sise à Tronquay que le seigneur de Gournay Hugues leur a récemment donnée.

Tableau de la tradition

Éditions principales

a. Delisle Léopold, *Cartulaire normand de Philippe-Auguste, Louis VIII, Saint-Louis et Philippe le Hardi*, Caen, Hardel (MSAN ; 16, 2e série, 6, p. 160-390), 1852, n° 348, p. 52.

Texte établi d'après a

In nomine sancte et individue Trinitatis. Ludovicus, etc. Noverint universi presentes pariter et futuri. Quod nos, intuitu pietatis et ob remedium animarum pie recordationis Philippi quondam Francorum Regis, karissimi genitoris nostri, ac dilectissime genitricis nostre, Elisabeth, quondam Francorum Regine, et predecessorum nostrorum, Deo et ecclesie Belosanne et canonicis ibidem Deo servientibus damus et concedimus pacifice et perpetuo possidendam illam nemoris particulam quam Hugo quondam dominus Gornaii eisdem dudum concesserat ac donarat, videlicet a Tronqueia ad viam que ducit per ante Rogos de Busco Eremboldi, sicut divisiones demonstrant, ita tamen quod in illa nemoris particula nullam villam, nullam grangiam, neque domum construere poterunt de cetero aut edificare, et nemus quod est super terram in eadem nemoris particula scindere tenentur et essartare, nec de eodem nemore aliquid alicui vendere poterunt aut donare. Hec autem predicta dictis canonicis concessimus tali modo quod carte, quas a Johanne quondam Rege Anglorum et a Hugone quondam domino Gornaii super hoc habuerunt, nullum nobis aut heredibus nostris valeant in posterum prejudicium generare. Quod ut perpetue firmitatis robur obtineat, presentem paginam sigilli nostri auctoritate et regii nominis caractere inferius annotato precipimus roborari. Actum apud Anetum, anno incarnationis dominice M° CC° XX° quinto, regni vero nostri tercio, astantibus in palatio nostro quorum nomina supposita sunt et signa. Dapifero nullo. Signum Roberti Buticularii. Signum Bartholomei Camerarii. Signum Mathei Constabularii. Data per manum Garini Silvanectensis episcopi cancellarii.